


लईका मन बर बाईबिल

प्रस्तुत करत हवे ।



सुग्घर राजा

अउ खिक

राजा



लिखे गए हवे। : Edward Hughes
उत्साह बढ़ै गए हवे। : Lazarus
चयन करे गए हवे। : Ruth Klassen
अनुवाद करे गए हवे। : मधुलिका महतो
बनाए गए हवे। : Bible for Children
www.M1914.org

BFC
PO Box 3
Winnipeg, MB R3C 2G1
Canada

©2015 Bible for Children, Inc.

लाईसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।




मनस्से घर येहा एकठी दुख के बेरा रहिस। ओखर ददा, राजा हिजकियाह कर देहांत हो गए रहिस। खाली बारह बछर के मनस्से, यहुदा म भगवान के मइनसे मन के नावा राजा रहिस। येहा ओखर ला जनाए नई रहिस, लेकिन मनस्से 55 बछर बर राजा होए बर रहिस। मनस्से ला एकठी सुग्घर राजा होए बर भगवान के मदद के दरकार रहिस।




लेकिन मनस्से हा भगवान ला आँखि फेर के बुरा करिस ।
मनस्से हा मूर्ति पुजा बर बेदी मन के फेर ले निरमान
कराईस । इंहा तक कि ओहा एकठी नक्काशीदार छवि
बनाके भगवान के पवित्र मंदिर म घलो भेजिस । भगवान
हा मुसा के बिचवई ले कहए रहिस कि, "तय हा अपन


बर कोन्हो घलो खोदे गए मूर्ति
ला झन बनाबे । तय उंकर
आघु म झन झुकबे
अउ न ही उंकर
सेवा करबे ।"



मनस्से हा जादु अउ टोना ला
सिखे लगीस । ओहा मइनसे मन
ला भगवान ले दुरिहा ले जाए
कर बुता करए लागिस । इहां
तक कि राजा घलो मूर्ति मन
कर आघु बलिदान देहे
बर अपन बेटा मन ला
घलो जरा दारिस ।
मनस्से के आज्ञा ला
नई माने ले भगवान
ला अब्बड़ जंगवा
डारिस ।




जब ओखर मइनसे मन आग्या पालन नई करए तब भगवान हा
ओमन ला दंडित घलो करथे । येही मनस्से अउ जेन मइनसे मन
उपर ओहा सासन करत रहिस के संग म होईस । यहोबा हा उ
मन उपर असीरियन सेना ला लानिस । मनस्से ला सांकर म बांध के
बाबुल कर दुरिहा देस म
ले जाए गईस ।






बाबुल म दुख के बेरा म, मनस्से हा
यहोवा, अपन भगवान ला पुकारिस ।
ओहा अपन ददा के भगवान के
आघु म अपन आप ला अड़बड़
दीन करिस, अउ ओखर ले पराथना
करिस । अब अउ जादा मरे मूर्ति मन
ले पराथना नई । लेकिन, जीयत
भगवान ले, ओकर दुष्टता के
बावजूद का जीयत भगवान मनस्से
ला जवाब देहि?




हाहो! भगवान हा, राजा के बिनती ला
सुनिस अउ यरूसलेम म ओला लाहुटा
के लानिस। वापिस सिंहासन अउ
मइनसे मन के उपर म राजा होए बर।
अब मनस्से हा जान डारिस कि
यहोवाच हा भगवान आय।




राजा मनस्से हा एकठी नावा मइनसे रहिस। ओहर भगवान के मंदिर ले मूर्ति मन ला बाहिर निकारिस अउ यरूसलेम म सबो बिदेसी देवता मन ला जोरिस। ओहा उ सबो ला दुरिहा फेंक दिस। तउन हा भगवान के मंदिर के वेदी मरम्मत कराईस अउ धन्यवाद के भेंट चढ़ाईस।




फेर ओहा ईसराईल के यहोवा भगवान कर सेवा कराए बर
अपन मइनसे मन ला आग्या देइस। मनस्से म येहा एक ठी
अद्भुत बदलाव रहिस।




जब मनस्से के देहांत हो गिस, तब ओहा अपनेच बेटा, आमोन, मूरति पुजा म मात गिन। लेकिन ओहा मनस्से कस भगवान के आघु अपन ला बिनम्र नई करिस। आमोन पाप के उपर म पाप करत गइस, एखरेसेती अंत म ओखर सेवक मन ओखरेच घर म, ओला जान ले मार दिस। ओहा खाली दु बछर तक राज करए पाईस।




दुसर राजा, योशियाह, खाली आठ
बछर के रहिस। ओहा 31 बछर तक
राज करिस अउ जे भगवान के नजर
म सही रहिस वइसनेहे करिस। ओहा
सबो झुट्ठा पुजा पाठ अउ झुट्ठा
देवता मन ला नास कर देइस। सित्तो
में, योशियाह ह सबो मूर्ति मन ला
भुईया में पीसके बुकनी कर डारिस।



सुग्घर राजा, योसियाह हा भगवान के मंदिर ला सफा अउ मरम्मत
करवाईस। घुरुवा म ले, एकठी पुजारी हा मुसा के द्वारा देहे बर
यहोवां के बेवस्था के बही ला पाईस।



जब राजा हा बेवस्था के बहि
के बचन ला सुनिस, ओहा दुख म
अपन ओन्हा ला फाडिस। योसियाह
जान दारिस कि ओकर अपन
पुरखा मन के भगवान के कानून
ला नई मानके कइसन दुसटता
देखाए हो।




हुल्दाह नाव के एकठी भविष्य बतोईया हा योशियाह ला भगवान के संदेस ला देईस। “यहोवा इकहत हे, ओमन मोला छोड़ देइन हे, ऐखरे सेती जउन बही म सब्बो सराप लिखे हावय, मय हा इ जघा म लानिहां।” लेकिन, काबर कि योशियाह एक ठी बिनम्र अउ आग्याकारी राजा रहिस। जब तक ओहा नई मर जाए, अइसनेहा नई होवय!



भगवान हा वापिस अपन मइनसे
मन ला यहोवा के लकठा म लाने
बर योशियाह के मदद करिस ।
एकठी दिन झगड़ा म सेना के
अगुवाई करत हुए, योशियाह खीक
अकन ले एकठी बइरी के तीर
धनुष ले घायल होगिस । ओखर
सबो मइनसे मन विलाप करिन,
अउ सुग्घर राजा योशियाह के
बारे म एकठी गीत बनाईस ।





एखर तुरत पाछु ओखर राज
हा सिरा गइस। लेकिन कोन्हो
दिन, एकठी राजा, इसराइल म
फेर ले राज करहि ओखर नाव
राजा मन के राजा, परभु मन
के परभु आय। जब यीशु
मसीह पहली बार आइस त
ओला स्वीकार नई करिन अउ
कुरुस म चघा दे गईस। अब
यीशु मसीह फेर ले आहि, तब
ओहा खाली इसराइल के राजा
नई बल्कि पुरा धरती
म राज करहि।



सुग्घर राजा अउ खिक राजा

इ कथा हर भगवान के बचन के द्वारा एक ठी बाईबिल


पाए जाथे ।

2 इतिहास 33—36

"आप मन कर बानी हर एला अंजोर देथे ।"

भजन संहिता ११९ : १३०





समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

